

d'humilité: Il me sembloit, disoit-il, que ie n'estois qu'une pauvre petite puce, & ie m'estonnois qu'un si grand Capitaine voulut entrer dans le cœur d'un si petit animal, ie reffentois neantmoins un si grand desir de m'approcher de luy, que ie ne le [100] scaurois declarer. Il apportoit cette comparaifon, si on retenoit long-temps un homme dans un païs estrange esloigné de ses parens & de ses amis, si apres auoir esté bien tourmenté, il trouuoit moyen d'euaider & de retourner en sa patrie, avec quelle affection s'y porteroit-il, de quel doux plaisir ne iouïroit-il pas à la veüe de ses parens & de ses amis? Voila comme estoit mon ame, il me sembloit qu'elle fortoit d'une rude captiuité, & qu'elle courroit de toutes ses forces apres celui qu'elle alloit receuoir, & nonobstant toute son ardeur, il luy sembloit qu'on la pressoit encor interieurement de s'approcher de luy quand elle l'eut receu, elle se trouua contente & satisfaite comme une personne qui n'a plus rien à souhaitter. *Regi sæculorum immortalì soli Deo honor & gloria, amen.* Quel le Dieu des Dieux soit à iamais beny. Je ne m'attendois pas de voir le reste de mes iours des effets si puissans de sa grace dans le cœur d'un barbare. Toutes les peines qu'on a prises, toutes les despences qu'on a faites pour le salut des Sauvages, sont plus que suffisamment payez par la conuersion de ce seul homme. Passons outre.

Depuis son Baptesme, il a mené une [101] vie conforme à ces graces, en voicy quelques preuues. Les Algonquins de l'Isle qui sont ses compatriotes, estans descendus en grand nombre aux trois Riuieres, il se mit à les instruire avec une telle ardeur, que ses gens le tindrent suspect, si bien que quelques-uns le fou-